

EN INOUR DE ZANT PER ER LIAMAOU

PATRON EN ARHANAOU

DISKAN

*O zant Per benniget
Torret hor liamaou
De holl er rê hou ped
Digoret en envaou.*

Ar don : Intron Zantez Anna.

1
Hou micher de gentaon,
E oé tapout pesked,
De vont berpet geton
Jézus d'oh n'es laret.

2
Hui hag hou preur André
Kentéh pes dilézet
Hou tud hag hou tanvé
Eit bout é Zisipled.

3
Abostol bras Jézus
Klasket en hor mesk-ni
Bugalé vat, sentus,
Eit mont ar er studi.

4
Er Mest houlénn un dé,
Get er rê n'oe choçjet :
— « Pétra jonj dohein-mé,
Petra lar er juived ? »

5
Disciplé hor Zalver
Neuzen e respontas :
— « Holl en dud hou kémer
Aveit ur profèt bras.

6
— « Mes hui me amied,
Pétra laret dohein ?
Hui me Abostoled,
Péh respond e hred d'ein ? »

7
Ha Simon, lan a fé,
Respond eit er rérel :
— « Hui zo er Hrist Mab Doué
Mab bras en Eternel.

8
— « Simon, la ras Jézus,
Hou respond e zo mat :
E hellit bout eurus,
Hui, desket get me Zad !

9
En arben d'hou respond,
Mé lar veh haonet Per,
Ha hui vo er men-fond
Eit iliz hou Salver.

10
Reit e vo d'oh ué
Alhuéaou er Barouéz
Hui zigoret gété,
Pé hui leskei er mez ! »

11
Epad er Basion,
Teir guéh e n'oe laret
N'anavé ket nehon
Jézus é Vest karet.

12
Mes dré teir guéh goudé
E noé ué laret
D'é Vest é garanté,
Hag oé bet pardonet.

13
En despét d'é bihed,
Ha rok pignal d'en néonv,
Jézus dohton n'es greit
Eidoumb er Pab kentaon.

14
Zavet persékusion
Eneb d'er fé kristenn
Per tolet er prizon
Péguir héon oé er penn.

15
Ha kentéh noz bra dé,
Aveit hi Mest karet,
En iliz e bédé
Hag oé bet chilaouet.

16
Torret é liamaou,
Per ias de heul en El ;
Digoret en doriaou,
Er mez em dennas péh.

17
Liamau er pihed
Zo goahoh eit é ré,
Mar omb gété dahlet
Goulennamb pardon Doué.

18
E Rom ben oé digoët
De embann en Aviel
Per hoah oé bet dahlet
Er véh-man eit mervel.

19
Ar er groéz 'man marvet,
Staget é benn d'en dias :
Greit n'es eit é bihed
Pinijenn, unon vras !

20
Mervel fidél de Zoué,
Martyr eit é lézenn,
E zo guir garanté
Hag e dall absolvenn.

21
Avel hor zant Patron
Karamb en aotrou Doué.
A greiz holl hor halon
Bétag fin hor buhé !

Imprimatur A. MOENNER, Vic. gén.
Quimper, le 24 Juillet 1945.